




Pauc da far per ils tiradurs tar il campionadi grischun a Domat. (da san.) Anna Laura Klucker, Enrica Caluori, Annina Tomaschett e Lars Färber.



En stads sin il podium tar ils juniors trais posiziuns: Natasha Bischof, Annina Tomaschett e Leandro Petschen (da san.).



Ferma prestazion d'Anna Laura Klucker cun daventar campionessa grischuna.

## Bunamain in naufragi per ils tiradurs

Tir: Campionadi grischun arma 50 meters

DA GION NUTEGN STGIER / ANR

**■ Lars Färber ed Anna Laura Klucker tar l'elita, Marie-Louise Degonda tar ils veterans sco er Annina Tomaschett ed Enrica Caluori tar ils juniors han decidì a l'ur favor l'occurrenza chantunala. Plain tensiun è stà il tir traus posiziuns tar l'elita cun decider il segund davos culp tgi che gudogna la disciplina.** Il Campionadi grischun cun l'arma da calibro pitschen sin la distanza da 50 meters ha gi lieu a Domat. Cun esser pulit vent èn las relaziuns stadas pretenusas. Tuttina han las tiraduras ed ils tiradurs perswas è confermà d'esser pronts per ils Campionadis svizzers a l'entschatata settember a Berna.

**Ferma concurrenza per Lars Färber**  
La disciplina roiala è quella da traus posiziuns (en schanuglias, en venter ed en pe). Per la qualificaziun è mintgamai vegnida sajetts 20 culps ed en il final lura 45 culps. Fin vers la fin dal final era Carina Caluori (Razén) sin la megira via da gudagnar l'occurrenza. Ella e Lars Färber (Favugn), il vultur da festa da la Festa chantunala da tir 2018 en Sursleva, han tragt fitg equilibri bunamain fin tar il davos sajet. Decidi a favor dal tiradur ha il segund davos culp nua ch'el ha scrit in 10,3, dentant che la matta ha be sajetta in 8,5. Färber è daventà campion grischun cun resultat da 441,5 puncts ed er grazia a las bunas passas en venter (154,5 puncts). Caluori è vegnida vice-campionessa grischuna cun 440,8 puncts. La vutura 2017, Elena Tomaschett (Rabius), ha cumprettà il podium grazia a ses 426,6 puncts. Manchentà da far la medaglia da bronz ha per pauc Andri Tomaschett (Trun) cun vegnir quart.

### Per l'empirma giada campionessa grischuna

Er en la disciplina en venter tar l'elita era Färber il grond favorit. Fatig fin a sias ambiuons da gudagnar er quella concurrenza ha lura Anna Laura Klucker (Tumein). Ella ha sajetta precis, fitg constant e daventada cun raschun per l'empirma giada campionessa grischuna tar l'elita cun in total da 427,2 puncts. Ina surprisa è lura il terz post da Leandro Petschen (Trun), el ch'ha terminà il tir cun 410,5 puncts. Chris Wolf (Trun) è vegnì 5avel en quella categoria.

**Clera victoria per Annina Tomaschett**  
Ina classa pers sasezza è lura stada Annina Tomaschett (Trun) tar ils juniors en la disciplina traus posiziuns. Da dir è dentant che Valentina Caluori (Razén), la gronda favorita, ha renunzià a quella concurrenza. La matta da Trun e comembra dal cader naziunal da juniors ha bunamain declassà concurrentas e concurrents sonda passada a Domat. Annina

Tomaschett è daventada campionessa grischuna cun in resultat da 427,2 puncts. Natasha Bischof (Mastrils), ella è vegnida seconda cun in total da 422,4 puncts. Ina surprisa è lura il terz post da Leandro Petschen (Trun), el ch'ha terminà il tir cun 410,5 puncts. Chris Wolf (Trun) è vegnì 5avel en quella categoria.

**Victoria per Enrica Caluori**  
A Valentina Caluori, la matta ch'è sa qualifitgada per ils Campionadis mundials da juniors en la Corea dal sid, n'esi betg reussi da defender ses titel tar ils juniors en la disciplina en venter. Ella era in pau malsauva e na cumplettamain tar forzas tar la concurrenza chantunala a Domat. Gudagnà il tir ha lura Enrica Caluori (Razén), sia cusrina, e quai cun in resultat da 223,4 puncts. Curdin Candrian (Surin) ha terminà il tir sco quart. Marie-Louise Degonda (Cumpadials) è vegnida campionessa grischuna tar ils veterans grazia a ses 244,8 puncts avant Guido Casutt (Flem) cun in resultat da 236,9 puncts e Reto Collenberg (Surin) è vegnì terz cun sajetta 215,4 puncts.

**Bilantscha positiva**  
Hubert Tomaschett, il chef matsch e sport da prestazion tar la Federaziun grischuna dal sport da tir, ha farg ina bilantscha positiva dal Campionadi grischun 2018 a Domat. El ha cunzunt ludà la buona disciplina da participantas e participants e lura er ils buns resultats da tutti e tuttas ch'han cuntanschi in plaz da podium. Sonda proxima ha lieu a Cuira il Campionadi grischun sin la distanza da 300 meters e sin las distanzas 25/50 meters.




Il podium tar l'elita traus posiziuns: Carina Caluori, Lars Färber ed Elena Tomaschett (da san.).



Gion Paul Caminada (a san.) en discussiun cun Curdin Candrian.



Mancà in plaz da podium: Andri Tomaschett.



Arno Sgier intginas minutus suenter il tir da qualificaziun.



Baseli Tomaschett (a san.) e Walter Umbrecht, duas personas che vivan per il sport da tir.